

ქ. თბილისი

ერთი მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“, შემდგომში წოდებული „შემსყიდველად“, წარმოდგენილი მისი ადმინისტრაციის ხელმძღვანელის მოვალეობის შემსრულებელის გიორგი ხარებავას მიერ, და მეორე მხრივ ა(ა)იპ „საქართველოს ბიბლიოთეკების ინტეგრირებული საინფორმაციო ქსელის კონსორციუმი 2017“ შემდგომში წოდებული „მიმწოდებელად“, წარმოდგენილი მისი აღმასრულებელი დირექტორის ნინო პავლიაშვილის მიერ, ცალ-ცალკე წოდებული როგორც „მხარე“, ხოლო ერთობლივად „მხარეები“, 2015 წლის 17 აგვისტოს, სახელმწიფო შესყიდვების სააგენტოს თავმჯდომარის №13 ბრძანების მე-2 მუხლის, „ა“ პუნქტის საფუძველზე და საქართველოს კანონის „ელექტრონული დოკუმენტისა და ელექტრონული სანდო მომსახურების შესახებ“ მე-3 მუხლის საფუძველზე ელექტრონულად ვდებთ და ვადასტურებთ კვალიფიციური ელექტრონული ხელმოწერით ან/და ელექტრონული შტამპით წინამდებარე „სახელმწიფო შესყიდვის შესახებ ხელშეკრულებას“ შემდეგზე:

მუხლი 1. ტერმინთა განმარტებები

1.1 „სახელმწიფო შესყიდვის შესახებ ხელშეკრულება“ (შემდგომში „ხელშეკრულება“) - ნიშნავს შემსყიდველსა და მიმწოდებელს შორის ელექტრონულად გაფორმებულ ხელშეკრულებას, დადასტურებულს კვალიფიციური ელექტრონული ხელმოწერით ან/და ელექტრონული შტამპით.

1.2 „ხელშეკრულება“ - ელექტრონული დოკუმენტი, სადაც ელექტრონული ფორმითაა შენახული ინფორმაციის ან/და მონაცემთა ერთობლიობა.

1.3 „კვალიფიციური ელექტრონული ხელმოწერა“ - ელექტრონულ მონაცემთა ერთობლიობა, რომელიც დაერთვის ან ლოგიკურად უკავშირდება ელექტრონულ დოკუმენტს და ელექტრონული დოკუმენტის ხელმოსაწერად გამოიყენება.

1.4 „ელექტრონული შტამპი“ - ელექტრონულ მონაცემთა ერთობლიობა, რომელიც დაერთვის ან ლოგიკურად უკავშირდება ელექტრონულ დოკუმენტს და ელექტრონული დოკუმენტის მთლიანობისა და წარმომავლობის სისწორის დასადასტურებლად გამოიყენება.

1.5 „ხელმოწერი“ - ფიზიკური პირი, რომელიც საქართველოს კანონის „ელექტრონული დოკუმენტისა და ელექტრონული სანდო მომსახურების შესახებ“ შესაბამისად ელექტრონულ დოკუმენტს ელექტრონულად აწერს ხელს.

1.6 „შტამპის დამსმელი“ - იურიდიული პირი, რომელიც ელექტრონულ დოკუმენტზე ელექტრონულ შტამპს ქმნის. იურიდიული პირი გულისხმობს აგრეთვე ადმინისტრაციულ ორგანოს, ბინათმესაკუთრეთა ამხანაგობას, არარეგისტრირებულ კავშირს, ამხანაგობას.

1.7 „ელექტრონული ხელმოწერა“ - ელექტრონულ მონაცემთა ერთობლიობა, რომელიც დაერთვის ან ლოგიკურად უკავშირდება ელექტრონულ დოკუმენტს და ელექტრონული დოკუმენტის ხელმოსაწერად გამოიყენება.

1.8 „საქონელი“ - ნებისმიერი სახისა და აღწერილობის ქონება (გარდა უძრავი ქონებისა), როგორც მყარ, ისე თხევად ან აირად მდგომარეობაში, აგრეთვე საქონლის მიწოდების „თანმდები მომსახურება“, თუ ამ მომსახურების ღირებულება არ აღემატება საქონლის ღირებულებას.

1.9 „სამშენებლო სამუშაო“ (შემდგომში - „სამუშაო“) - შენობის, ნაგებობის ან სხვა ობიექტის მშენებლობასთან, რეკონსტრუქციასთან, ნგრევასთან, რემონტთან ან განახლებასთან დაკავშირებული ნებისმიერი სამუშაო (მათ შორის, სამშენებლო მოედნის მოწყობა, გრუნტის ამოღება, შენობის ან ნაგებობის აგება-აშენება, აღჭურვილობის მონტაჟი, მოპირკეთება და მოსაპირკეთებელი სამუშაოები, მშენებლობასთან დაკავშირებული საკომუნიკაციო ქსელების მოწყობის სამუშაოები), აგრეთვე მშენებლობის თანმდები მომსახურება, როგორცაა ბურღვა, გოდეზიური სამუშაოები, კოსმოსური და აეროგადაღება, სეისმური კვლევა და სახელმწიფო შესყიდვის შესახებ ხელშეკრულებით გათვალისწინებული სხვა ანალოგიური მომსახურება, თუ ამ მომსახურების ღირებულება არ აღემატება სამშენებლო სამუშაოს ღირებულებას.

1.10 „მომსახურება“ - შესყიდვის ნებისმიერი ობიექტი, საქონლისა და სამუშაოს გარდა.

1.11 „დანართი N1“ - (შემდგომში - ფასების ცხრილი) ხელშეკრულების დანართი, რომელშიც მოცემულია მომსახურების დასახელებ(ებ)ი, მათი რაოდენობ(ებ)ი, ერთეულის ფას(ებ)ი და მომსახურების მთლიანი



ღირებულებ(ებ)ი. ფასების ცხრილი წარმოადგენს ამ ხელშეკრულების განუყოფელ ნაწილს და განიხილება წინამდებარე ხელშეკრულებასთან ერთად.

1.12 „ხელშეკრულების ღირებულება“ ნიშნავს წინამდებარე ხელშეკრულების 4.1 მუხლში მითითებულ თანხას, რომელიც შემსყიდველმა უნდა გადაიხადოს მიმწოდებელის მიერ ხელშეკრულებით ნაკისრი ვალდებულების სრული და ჯეროვანი შესრულებისათვის.

1.13 „შემსყიდველი“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.

1.14 „მიმწოდებელი“ ნიშნავს პირს, რომელმაც შემსყიდველ ორგანიზაციასთან გააფორმა „სახელმწიფო შესყიდვის შესახებ ხელშეკრულება“.

1.15 „მხარე“ - „შემსყიდველი“ ან „მიმწოდებელი“.

1.16 „მხარეები“ - „შემსყიდველი“ და „მიმწოდებელი“.

1.17 „CPV კოდი“ - შესყიდვის ობიექტების იდენტიფიცირებისა და ერთგვაროვნების დადგენის წესის დამტკიცების შესახებ სახელმწიფო შესყიდვების სააგენტოს თავმჯდომარის 2010 წლის 20 სექტემბრის №7 ბრძანებით გათვალისწინებული კლასიფიკატორის 8-ნიშნა კოდი.

მუხლი 2. ხელშეკრულების საგანი

2.1. წინამდებარე ხელშეკრულების საგანია შემსყიდველის მიერ მიმწოდებელისაგან ხელშეკრულების ღირებულების ფარგლებში: 2 ჟურნალის ვებ-გვერდისა და პლატფორმის გამართული მუშაობის უზრუნველყოფა, ჟურნალის საკონსულტაციო მომსახურების სახელმწიფო შესყიდვა, წინამდებარე ხელშეკრულებითა და ხელშეკრულების ფასების ცხრილის შესაბამისად.

2.2. კლასიფიკატორის კოდი: CPV 72266000 - პროგრამულ უზრუნველყოფასთან დაკავშირებული საკონსულტაციო მომსახურებები.

2.3. მიმწოდებელია ვალდებულია შემსყიდველს გაუწიოს შემდეგი სახის მომსახურება:

2.3.1 უზრუნველყოს სისტემის რეგულარული ტექნიკური მომსახურება, პლატფორმისა და ჟურნალის ვებ-გვერდის გამართული მუშაობა.

2.3.2. უზრუნველყოს სერვერის დაცულობა;

2.3.3. უზრუნველყოს გარანტირებული სერვისის წვდომის დრო, არანაკლებ 99%, გარდა იმ შემთხვევებისა, თუ შეფერხება მისგან დამოუკიდებელი მიზეზით არის გამოწვეული;

2.4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრული პირობებით.

მუხლი 3. მომსახურების გაწევის ვადა

3.1. მიმწოდებელი ვალდებულია მომსახურების გაწევა უზრუნველყოს მხარეების ხელშეკრულებაზე ელექტრონულად ხელმოწერის მომენტიდან 2023 წლის 31 დეკემბრის ჩათვლით.

მუხლი 4. ხელშეკრულების ღირებულება

4.1. ხელშეკრულების ღირებულება შეადგენს: 150,00 (ას ორმოცდაათი) ლარს (შემდეგში „ღირებულება“), საქართველოს კანონმდებლობით გათვალისწინებული ყველა გადასახადის ჩათვლით. ერთეულის მომსახურების ღირებულება განისაზღვრება წინამდებარე ხელშეკრულებითა და ხელშეკრულების ფასების ცხრილის შესაბამისად.

4.2. ამ ხელშეკრულების 4.1 პუნქტის შესაბამისად გათვალისწინებული მომსახურების ერთეულის ფასი და საერთო ღირებულება შეიცავს მიმწოდებელის ყველა ხარჯებს, დაკავშირებულს მომსახურების გაწევასთან და შემსყიდველის საკუთრებაში გადაცემასთან, ასევე კანონით გათვალისწინებულ გადასახადებს.

4.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ღირებულების 10%-ზე მეტი ოდენობით გაზრდა.



მუხლი 5. ანგარიშსწორების ფორმა, გრაფიკი და ვადები

5.1. სახელშეკრულებო თანხის ანგარიშსწორება განხორციელდება ეტაპობრივად, ხელშეკრულების შესაბამისად, მხარეებს შორის ელექტრონულად ხელმოწერილი მიღება-ჩაბარების აქტისა და მასზედ წარმოდგენილი საგადასახადო დოკუმენტაციის წარმოდგენის შემდეგომ 10 (ათი) სამუშაო დღის განმავლობაში.

5.2.1. პირველი გადახდა (75 ლარი) განხორციელდება არაუგვიანეს 2023 წლის 31 ივლისისა, მხარეებს შორის ელექტრონულად ხელმოწერილი მიღება-ჩაბარების აქტისა და მასზედ წარმოდგენილი საგადასახადო დოკუმენტაციის წარმოდგენის შემდეგომ.

5.2.2. მეორე გადახდა (75 ლარი) განხორციელდება არაუგვიანეს 2023 წლის 31 დეკემბრისა, მხარეებს შორის ელექტრონულად ხელმოწერილი მიღება-ჩაბარების აქტისა და მასზედ წარმოდგენილი საგადასახადო დოკუმენტაციის წარმოდგენის შემდეგომ.

5.3. ანგარიშსწორების ვალუტა - ლარი.

5.4. ანგარიშსწორების ფორმა - უნაღდო.

მუხლი 6. მხარეთა პასუხისმგებლობა

6.1. ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2. მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3. ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 10%-ის ოდენობით, ხოლო ვალდებულების ნაწილობრივ შეუსრულებლობის შემთხვევაში შეუსრულებელი ვალდებულების 5%-ის ოდენობით.

6.4. ხელშეკრულებით ნაკისრი ვალდებულებ(ებ)ის ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულებების 0,02%-ის ოდენობით.

6.5. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

6.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

6.7. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

6.7.1. თუ შემსყიდველი მიიღებს ასეთ გადაწყვეტილებას ვალდებულია შეატყობინოს მიმწოდებელს მიღებული გადაწყვეტილება, 5 (ხუთი) სამუშაო დღის ვადაში.

6.8. ხელშეკრულების ცალკეული პირობების მოქმედების შეწყვეტა ან/და ბათილად ცნობა არ ათავისუფლებს მხარეებს დანარჩენი ვალდებულებების შესრულებისაგან.

6.9. ამ მუხლის 6.7 პუნქტში მითითებულ შემთხვევებში, შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

6.10. შემსყიდველი უფლებამოსილია, ხოლო მიმწოდებელი თანახმა ხელშეკრულების პირობების დარღვევის გამო დაკისრებული პირგასამტეხლო თანხა (ასეთის არსებობის შემთხვევაში), გამოქვითოს მიღება-ჩაბარების აქტის საფუძველზე მიმწოდებლისთვის გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდაზე.



მუხლი 7. ხარისხი

7.1. მიმწოდებელი პასუხს აგებს გაწეული მომსახურების ხარისხზე ხელშეკრულებითა და ხელშეკრულების ფასების ცხრილის შესაბამისად.

მუხლი 8. მომსახურების გაწევის და მიღება-ჩაბარების წესი

8.1. მომსახურების გაწევა შემსყიდველს და მიმწოდებელს შორის დასტურდება ელექტრონულად ხელმოწერილი მიღება-ჩაბარების აქტის საფუძველზე, რომელიც დადასტურებული უნდა იყოს კვალიფიციური ელექტრონული ხელმოწერით ან/და ელექტრონული შტამპით.

8.2. შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) გაწეულ მომსახურებაზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

8.3. მიმწოდებელის მიერ გასაწევ მომსახურებაზე ან უკვე გაწეულ მომსახურებაზე კონტროლი ხორციელდება ნებისმიერ ეტაპზე რისთვისაც გამოიყოფა უფლებამოსილი პირ(ებ)ი.

8.4. წინამდებარე ხელშეკრულების მე-8 მუხლის, 8.3 პუნქტის მიზნებისთვის, მიმწოდებელის მიერ გასაწევ მომსახურებაზე ან უკვე გაწეულ მომსახურებაზე კონტროლის განმახორციელებელი პირია სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტის“ ხარისხის სამსახურის უფროსი ანა სამსონაძე (სამსახურეობრივი ბარათი N MES 6 23 0000098621).

8.5. მიმწოდებელი ვალდებულია საკუთარი სახსრებით უზრუნველყოს კონტროლის შედეგად გამოვლენილი ყველა დეფექტ(ებ)ის ან/და ხარვეზებ(ებ)ის აღმოფხვრა/გამოსწორება მისთვის ხელშეკრულებით გათვალისწინებული მომსახურების გაწევის, დასრულების ვადის ფარგლებში ამ მიზეზით ვადის გახანგრძლივების გარეშე.

8.6. ხელშეკრულების შესრულების პირობების კონტროლის მიზნით შემსყიდველი უფლებამოსილია გამოიყენოს სხვადასხვა სახის საშუალებები, ამასთან, კონტროლის განხორციელებისას ხელი არ უნდა შეუშალოს მიმწოდებელს მომსახურების გაწევაში.

8.7. მიმწოდებელი არ აგებს პასუხს სისტემაში განთავსებულ დამკვეთის მიერ მოწოდებულ მასალასთან დაკავშირებით მესამე პირთა მხრიდან წამოყენებულ ყოველგვარ მოთხოვნაზე (მათ შორის, პლაგიატის, საავტორო უფლების დარღვევის ან ნებისმიერი სხვა საფუძველიდან გამომდინარე).

მუხლი 9. მხარეთა უფლება - ვალდებულებები

9.1. მიმწოდებელი ვალდებულია გაუწიოს შემსყიდველს ამ ხელშეკრულების მე-2 მუხლში მითითებული მომსახურება, განიხილოს შემსყიდველის პრეტენზიები და მიაწოდოს არგუმენტირებული პასუხი ნებისმიერ სადაო საკითხზე.

9.2. შემსყიდველი ვალდებულია:

9.2.1. დროულად აცნობოს მიმწოდებელს გაწეულ მომსახურებასთან დაკავშირებული ხარვეზების შესახებ და დროულად გადაიხადოს ხელშეკრულების ღირებულება.

9.2.2. პლატფორმაზე თავად ატვირთოს წლის განმავლობაში გამოცემული მასალა.

9.2.3. სათანადო გულისხმიერებითა და პასუხისმგებლობით ითანამშრომლოს მიმწოდებელთან, დაიცვას მომსახურების გამოყენების პირობები, გაითვალისწინოს მიმწოდებლის კონსულტაციები, რჩევები და მოთხოვნები სისტემით სარგებლობასთან დაკავშირებით და საჭიროების შემთხვევაში, მიაწოდოს მიმწოდებელს წერილობითი პასუხი;

9.2.4. სისტემის გამოყენებისას, არ დაუშვას რაიმე ფორმით მართლსაწინააღმდეგო მოქმედებები ან/და იმგვარი მოქმედებები, რომელთა შესახებ უფლებამოსილებები მიმწოდებელს არ გაუცია მისთვის.

9.3. ხელშეკრულების ვადის ამოწურვა არ ათავისუფლებს მხარეებს ამ ხელშეკრულებით ნაკისრი ვალდებულებების სრული და ჯეროვანი შესრულებისგან და არ აუქმებს მხარეთა შეთანხმებულ პასუხისმგებლობის ზომებს.

მუხლი 10. ფორს-მაჟორი



10.1.წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელის და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2.ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3.ფორს-მაჟორული მდგომარეობის 10 (ათი) დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების მოქმედების ვადა.

11.1.წინამდებარე ხელშეკრულება ძალაში შედის მხარეების ხელშეკრულებაზე ელექტრონულად ხელმოწერის შემდგომ და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2024 წლის 31 იანვრისა.

მუხლი 12. სხვა პირობები

12.1.მხარეთა შორის სადავო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

12.2.ხელშეკრულებაში ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების შეთანხმების საფუძველზე.

12.3.მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

12.4.მხარეები უფლებამოსილნი არიან მოშალონ წინამდებარე ხელშეკრულება ურთიერთშეთანხმების საფუძველზე კანონმდებლობით გათვალისწინებული წესით.

12.5.იურიდიული მისამართის, საბანკო რეკვიზიტების, ხელმძღვანელობის/წარმომადგენლობის, საფირმო სახელწოდების, სამართლებრივი ფორმის, საიდენტიფიკაციო ნომრის შეცვლის შემთხვევაში მხარეები ვალდებული არიან 3 (სამი) სამუშაო დღის ვადაში წერილობით აცნობონ ერთმანეთს ამის შესახებ.

12.6.ხელშეკრულება შედგენილია ქართულ ენაზე, ელექტრონულად (ელექტრონული დოკუმენტი), დადასტურებულია კვალიფიციური ელექტრონული ხელმოწერით ან/და ელექტრონული შტამპით.



მუხლი 13. მხარეთა იურიდიული მისამართი, რეკვიზიტები მისამართი და ელექტრონული ხელმოწერა

„შემსყიდველი“	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“	„მიმწოდებელი“	ა(ა)იპ „საქართველოს ბიბლიოთეკების ინტეგრირებული საინფორმაციო ქსელის კონსორციუმი 2017“
საიდენტიფიკაციო კოდი:	203851028	საიდენტიფიკაციო კოდი:	404533251
მისამართი:	ქ. თბილისი, შ. რუსთაველის გამზ. N19	მისამართი:	ქ. თბილისი, ძველი თბილისის რაიონი, ვასილ პეტრიაშვილის ქ., N 20, ბინა N6
ტელეფონი:	0322 999 411	ტელეფონი:	
ბანკი:	სახელმწიფო ხაზინა	ბანკი:	სს „თიბისი ბანკი“
ბანკის კოდი (მფო):	TRESGE22	ბანკის კოდი (მფო):	TBCBGE22
ანგარიშის N:	7 0888 7289	ანგარიშის N:	GE32TB7275336080100012

გიორგი ხარებავა

ადმინისტრაციის ხელმძღვანელის მოვალეობის შემსრულებელი

ნინო პავლიაშვილი

აღმასრულებელი დირექტორი



N	მომსახურების დასახელება	მომსახურების აღწერა	ვებ-გვერდის რაოდენობა	ერთეულის ფასი	მომსახურების ჯამური ღირებულება
1	პროგრამულ უზრუნველყოფასთან დაკავშირებული საკონსულტაციო მომსახურებები	პლატფორმის უზრუნველყოფა, ჟურნალის ვებ-გვერდის გამართული მუშაობა და ჟურნალის საკონსულტაციო მომსახურება	2	75.00	150.00
სულ:					150.00



განცხადება

ინტერესთა კონფლიქტის არარსებობის შესახებ

სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტის“ ადმინისტრაციის ხელმძღვანელის მოვალეობის შემსრულებელი, შესყიდვების სამსახურის უფროსი, „სახელმწიფო შესყიდვების შესახებ“ საქართველოს კანონის მე-8 მუხლის საფუძველზე ვადასტურებთ, რომ არ გვაქვს ინტერესთა კონფლიქტი მომსახურების სახელმწიფო შესყიდვაზე მიმწოდებელთან: ა(ა)იპ „საქართველოს ბიბლიოთეკების ინტეგრირებული საინფორმაციო ქსელის კონსორციუმი 2017“, ს/ნ 404533251 .

გიორგი ხარეზავა

*ადმინისტრაციის ხელმძღვანელის
მოვალეობის შემსრულებელი*

**გამოყენებულია კვალიფიციური
ელექტრონული ხელმოწერა**

ქრისტინა ჯანაშია

*შესყიდვების სამსახურის
უფროსი*

**გამოყენებულია კვალიფიციური
ელექტრონული ხელმოწერა**

